

明史彙

列傳第一百五十四

光祿大夫

經筵講官明史

部尚書加七級

臣王鴻緒奉

敕編撰

楊廷麟

彭期生

萬元吉

郭維經

詹兆恆

陳泰來

胡世泰

王養正

曾亨應

鄭為虹

陳子壯

張家玉

陳邦彥

蘇觀生

楊廷麟字伯祥清江人崇禎四年進士改庶吉士授編修勤學嗜古聲震館閣間與黃道周善十年冬皇太子將出閣簡充講官兼直經筵廷麟具疏力讓道周不許明年二月帝御經筵問保舉考選何者為得人廷麟言保舉當嚴舉主如

唐世濟王維章乃溫體仁王應熊所薦今二臣皆敗而舉王無恙是連坐之法先不行於大臣欲收保舉效得乎帝爲動色其冬

大清兵逼京師廷麟上疏劾兵部尚書楊嗣昌言陛下有撻伐之志大臣無禦侮之才謀之不臧以國爲戲嗣昌及薊遼總督吳阿衡內不扶同朋謀悞國與高起潛方一藻倡和款議武備頓忘以至於此今可憂在外者三在內者五督臣盧象昇以禍國書樞臣言之痛心夫南仲在內李綱無功潛善秉成宗澤隕命乞陛下赫然一怒明正問者主和之罪俾將士畏法無有二心召見大小諸臣各以方略諭象昇集諸路援師乘機赴敵不從中制此今日急務也時嗣昌意主和議

冀紓外患而廷麟痛詆之嗣昌大恚詭薦廷麟知兵帝卽召見改兵部職方主事贊畫象昇軍象昇得之甚喜卽令往真定轉餉濟師及象昇戰死賈莊嗣昌急問偵卒楊贊畫死未以奉使在外對嗣昌爲不懌者久之初張若麒沈迅官刑曹謀改兵部御史涂必泓沮之必泓廷麟同里也兩人疑疏出廷麟指因與嗣昌比而構廷麟會廷麟報軍中曲折嗣昌擬旨責以欺罔及事平欲中以危法帝察其無罪貶秩調外而巳黃道周獄起詞連廷麟逮治未至而道周已釋言者多薦建麟侍郎惠世揚請俟其至用之十六年秋復授職方主事未赴都城失守廷麟慟哭募兵勤王會福王立用御史祁彪佳薦召爲左庶子辭不就宗室朱統𣶒誣劾大學士姜曰廣

并謹廷麟召健兒有不軌謀以曰廣爲內應其語絕狂誕王不問然竟散所募兵

順治二年南都破江西諸郡所存者惟贛州唐王手書加廷麟吏部右侍郎劉同升國子祭酒同升自雩都至贛與廷麟協謀大舉乃偕巡撫李永茂集士大夫於明倫堂勸輸兵餉九月

大兵屯泰和副將徐必達戰大敗廷麟自督師與同升乘虛復吉安臨江加兵部尚書兼東閣大學士賜劍便宜從事十月

大兵攻吉安必達戰敗赴水死會廣東援兵至

大兵退屯峽江已而萬元吉至贛十二月同升卒三年正月

廷麟赴贛招峒蠻張安等四營降之以元吉代守吉安三月
廷麟聞王將赴贛往朝之甫行以吉安警留屯城外日馳疏
陳援吉防贛事宜以何吉安復失元吉退保贛州四月

大兵逼城下兵部侍郎劉士禎促新軍將張安赴援安宵遁
贛圍急廷麟遣使調廣西狼兵而身往粵都趣新軍來救五
月望戰梅林再敗退保粵都廷麟乃散其兵以六月入贛與
元吉憑城守未幾援兵至圍暫解已復合廷麟等分門拒守
至八月水師戰敗援師悉潰時被圍已半年守陴者悉懈十
月四日

大兵登城廷麟急督士民拒戰久之力不支廷麟走西城投
水死同守者郭維經彭期生輩盡死期生字觀我海鹽人御

史宗孟子舉萬曆四十四年進士授徽州教授遷國子博士
歷都水主事員外郎中遷長沙知府再調揚州南昌崇禎初
以憂去補濟南坐失囚謫布政司照磨量移應天推官轉南
京兵部主事進郎中十六年張獻忠亂江西遷湖西兵備僉
事駐吉安

順治二年兵入南昌通吉安期生拒守不支城破走贛州偕
廷麟招降張安等唐王加太常寺卿仍令視兵備事城破冠
帶自縊死一時同殉者職方主事周瑚礫死通判王明汲編
修兼兵科給事中萬發祥吏部主事龔棻戶部主事林琦兵
部主事王其竑黎遂球柳昂霄魯嗣宗錢謙亨中書舍人袁
從鶚劉孟鈞劉應試推官署府事吳國球監紀通判郭寧登

臨江推官胡纘贛縣知縣林逢春皆被戮鄉官盧觀象盡驅男婦大小入水乃自沈死舉人劉日佺偕母妻弟婦子姪同日死參將陳烈數力戰衆以其弟已降

大清疑之烈益奮勇疾鬪及見執其弟勸之降不聽顧謂贛人曰今日方知我無二心也乃被戮

萬元吉字吉人南昌人天啓五年進士授潮州推官補歸德捕大盜李守志散其黨崇禎四年大計謫官十一年秋用曾櫻薦命以永州檢校署推官事居二年督師楊嗣昌薦其才改大理右評事軍前監紀嗣昌倚若左右手諸將亦悅服馳驅兵間未嘗一夕安枕嗣昌卒元吉丁內艱歸十六年起南京職方主事進郎中福王立仍故官元吉以四鎮不和請奉

詔宣諭又請發萬金犒高傑於揚州諭以大義令保江淮乃渡江詣諸將營傑與黃得功劉澤清方爭揚州元吉與得功書令共獎王室得功報書如元吉指乃錄其藁示澤清傑嫌漸解俄上言朝廷不當偏安宜且仍南京故名示不忘恢復而大減錦衣旗尉罷南北兩鎮撫司以杜告密時廷議以元吉能輯諸鎮擢太僕少卿監視江北軍務元吉身在外不忘朝廷數有條奏請修建文實錄復其尊稱并還懿文追尊故號祀之寢園以建文配而速褒靖難死事諸臣及近日北都四方殉難者以作忠義之氣從之又言先帝天資英武銳意明作而禍亂益滋寬嚴之用偶偏任議之徒太畸也先帝初懲逆璫用事委任臣工力行寬大諸臣狃之爭意見之異同

略綢繆之桑土敵人郊圻束手無策先帝震怒宵小乘間中以用嚴於是廷杖告密加派抽練使在朝者不暇救過在野者無復聊生廟堂號振作而敵強如故寇禍彌張十餘年來小人用嚴之效如是先帝亦悔更從寬大悉反前規天下以爲太平可致諸臣復競賄賂肆欺蒙每趨愈下再撻先帝之怒誅殺方興宗社繼沒蓋諸臣之孽每乘於先帝之寬而先帝之嚴亦每激於諸臣之玩臣所謂寬嚴之用偶偏者此也國步至今艱難已極乃議者求勝於理卽不審勢之重輕好伸其言多不顧事之損益殿上之彼已日爭鬬外之從違遙制一人任事衆口議之如孫傳庭守關中識者俱謂不宜輕出而已有以逗撓議之者矣賊旣渡河臣語史可法姜曰廣

急撤關寧吳三桂俾隨樞輔迎擊之先帝召對時羣臣亦曾及此而已有以蹙地議之者矣及賊勢燎原廷臣或勸南幸或勸皇儲監國南都皆權宜善計而已有以邪妄議之者矣由事後而觀咸追恨議者之悞國倘事幸不敗必共服議者之守經大抵天下事無全害亦無全利當局者非樸誠通達誰敢違衆獨行旁持者競意氣筆鋒必欲強人從我臣所謂任議之途太畸者此也乞究前事之失爲後事之師以寬爲體以嚴爲用蓋崇簡易推直誠之謂寬而濫賞縱罪者非寬辨邪正綜名實之謂嚴而鉤距索隱者非嚴寬嚴得濟任議乃合仍請於任事之人嚴覈始進寬期後效無令行間再踵藏垢邊才久借燃灰收之以嚴然後可任之以寬也詔褒

之已入朝復遣往江北調輯軍民時高傑欲赴河南討賊元吉方請速予之餉而傑襲得功於儀真元吉心傷之因言古大將保功名必以恭順爲本今朝廷新立綱紀未尊恐從此相沿恭順日替輕朝廷墮綱紀臣罪滋大因請罷斥不許明年三月給事中楊兆升劾之以元吉有勞不問南京覆走福建歸唐王六月我

大清兵已取南昌袁州臨江吉安踰月又取建昌惟贛州孤懸上游兵力單寡人情恟懼會益府永寧王慈炎招降峒賊張安遣復撫州南贛巡撫李永茂乃命副將徐必達扼泰和拒

大兵未幾戰敗至萬安遇永茂永茂遂奔贛八月叛將白之

裔入萬安江西巡撫曠照被執知縣梁于涖死之于涖江都人崇禎十六年進士時唐王詔適至贛永茂乃與楊廷麟劉同升共舉兵未幾王召永茂爲兵部右侍郎以張朝繼代甫任事擢元吉兵部右侍郎兼右副都御史總督江西湖廣諸軍召朝繼還以同升代元吉至贛同升已卒遂以元吉兼巡撫

順治三年三月廷麟迎謁王元吉代守吉安初崇禎末命中書舍人張同敞調雲南兵未至福王又趣之及抵江西南京已失因退還吉安廷麟留與其守用客禮待之其將趙印選胡一青頻立功而元吉約束甚嚴諸將漸不悅時有廣東兵亦以赴援至而張安者汀贛間峒賊四營之一驍勇善戰既

降有復撫州功且招他營盡降賜名龍武新軍元吉以安等爲足恃也蔑視雲南廣東軍雲南廣東軍解體然安卒故爲賊居贛城淫掠自如廷麟遣援湖西所過無不殘破及是大兵逼吉安諸軍皆內攜新軍又先往湖西不時至城中軍不戰潰城遂破元吉退屯皂口檄諭贛州極言雲南兵棄城罪其衆遂西去四月

大兵逼皂口元吉不能禦入贛城

大兵乘勝抵城下給事中楊文薦元吉門生也奉命往湖南過贛見事急自任守禦城中賴之元吉素有才蒞事精敏及失吉安士不用命昏然坐城上對將吏不交一言隔河大營遍山麓指爲空營兵民從大營中至言敵勢盛輒叱爲間諜

斬之江西巡撫劉遠生令張琮者將兵趨湖東及贛圍急遠生自出城召琮於雩都贛人曰撫軍遁矣怒焚其舟拘遠生妻子俄遠生率琮兵至贛人乃大悔琮軍渡河抵梅林中伏大敗還至河爭舟多死於水遠生憤甚五月朔渡河再戰身先士卒遇

大兵被獲復逃歸而龍武軍先往湖西者聞撫州復失仍還雩都廷麟躬往邀之與

大兵戰梅林再敗乃散遣其軍而身入城與元吉同守自遠生敗援軍皆不敢前六月望李永茂所遣副將吳之蕃等以廣東兵五千至

大兵爲解圍屯於永西之蕃亦退保南康未幾圍復合城中

推如初時賴困守久王獎勞之賜名忠誠府加元吉兵部尚書文薦右僉都御史使尚書郭維經來援維經與御史姚奇滑沿途募兵得八千人元吉部將汪起龍率師數千雲南援將趙印選司一青率師三千大學士蘇觀生遣兵如之兩廣總督丁魁楚亦遣兵四千廷麟又收集散亡得數千先後至巔營於城外軍聲頗振諸將欲戰元吉待水師至并擊而中書舍人來從謬募砂兵三千吏部主事龔葵兵部主事黎遂球募水師四千皆屯南安不敢下主事王其宏謂元吉曰水師帥雖勇受海盜也桀驁難制荼遂球若慈母之奉驕子且今水涸巨舟難進豈能如約不聽及八月

大兵聞水師將至卽夜截諸江焚巨舟八十死者無算明受

遁還舟中火藥戎器盡失於是兩廣雲南軍皆不戰而潰他營亦稍稍散去城中止起龍維經部卒四千餘人城外水師後營二千餘人而已參將謝志良擁衆萬餘於零都不敢進廷麟調廣西狼兵八千人踰嶺亦不卽赴會聞汀州破人情益震懼守者亦疲甚十月初

大兵用嚮導夜登城鄉勇猶巷戰黎明兵大至城上發砲砲炸城遂破元吉死之先是元吉禁婦女出城其家人潛載其妾絕城去元吉遣飛騎追還痛捶其家人故城中無敢出者及城破部將擁元吉出城元吉歎曰爲我謝贛人使闔城塗炭者我也我何可獨存遂赴水死年四十有四文薦字幼宇京山人由進士爲兵科給事中城破時病困不能起執送南

昌絕粒而卒

郭維經字六修江西龍泉人天啓五年進士授行人崇禎三年遷南京御史疏陳時弊中有所舉刺帝責令指實乃極稱順天府尹劉宗周之賢力詆吏部尚書王永光谿刻及用人顛倒罪帝置不問六年秋周延儒罷政溫體仁代之維經言執政不患無才有才而用之排正人不用之籌國事國事日非則委曰我不知坐視盜賊日猖邊警日急止與二三小臣爭口舌角是非平章之地幾成聚訟可謂有才邪帝切責之屬子丁進典南畿試有私憾辭歷以史黃昌所發給事中孫晉因言進體仁私人關節旣獲乞下所司案驗帝親摘七卷黜之進乃獲異吏部侍郎張捷薦逆案呂純如維經疏劾又